

21.7

0082

增校

補正

痊

驥

通

玄

論

補 增 正 校

論 玄 通 驥 痊

〔元〕卞管勾集注

中國農業科學院
中獸醫研究所校訂

甘肅人民出版社

1959·蘭州

校正增补

瘕驥通玄論

中國農業科學院中醫研究所校訂

*

甘肅人民出版社出版

(蘭州市白銀路)

甘肅省書刊出版業營業許可証出字第001号

甘肅日報社印刷厂印刷

甘肅省新華書店發行

*

开本:787×1092毫米1/32·3 $\frac{1}{2}$ 印張·70,000字
1959年11月第一版 1959年11月第一次印刷

印数:1——1,591

*

統一書号: T16096·116

定 价: (5) 0.35元

目 录

校正增补痊驥通玄論序	一
明正德元年陝西苑馬寺卿車震重刻痊驥通玄論序	三
明正德元年医师龔錦通玄論后序	四
明嘉靖二十六年陝西苑馬寺寺丞楊時中重修痊驥通玄論跋	六
痊驥通玄三十九論	七
痊驥通玄四十六說	四六
痊驥通玄論注解湯头	八九

校正增补痊驥通玄論序

痊驥通玄論一書，乃元代东原卞氏畢生療馬經驗之總結，而尤為論馬起臥症之專著也。蓋其時馬畜死于此病者頗多，損失瀾巨，于是著者精研細求，竭其全力，終于獲茲成果。書中所論所述，皆系實踐經驗，按病用藥，依結施術，應時取效，分圖記載，理明義精，至為簡要；尤以入手取結法，呈現代獸醫科學亦難過之，實祖國勞動人民之創作，獸醫古籍中寶藏之一也。惜乎旧時反动政權，將獸醫列為下九流之術，備受歧視，以致先賢苦心焦思之仁術，不得發揚光大，而日久且散失殆盡，良堪浩嘆！詳考著者乃元代人，書則流傳于明代，其時軍馬苑設置，曾四處檢尋，力求善本，補其缺略，始復印成書。然元版序已失，僅有明序，故不得見其本來面目。厥后喻氏兄弟出，略集大成，編著元亨療馬集一書，从此司牧安驥集、痊驥通玄論、療驥難、淵源塞要、藩牧馬書等集，遂不復為人所注目，歷久而版本已失，即有有志之士，不過家存鈔本，遺誤漏失甚多。解放以來，黨及人民政府對於整理研究中獸醫學術經驗，大力提倡，一九五八年七月一日，又成立中國農業科學院中獸醫研究所，在黨的正確領導與親切關懷、重視下，乃將北京圖書館所藏明万历刻本馬書作為底本，與余所存通玄論長安陳氏家藏本對照校閱，并增補長安閻氏家藏本痊驥通玄論注解湯頭，集為一書，名曰校正增补痊驥通玄論。嗚呼！痊驥通玄論一書之湮沒無聞者蓋數百年矣！今能重

問于世，并將發揚光大，皆黨之偉大、光榮、正確的領導所以致之也！書中舛誤還多，尙望各方同志批評指正。

崔蔭僧

一九五九年二月于蘭州中國農業科學院中獸醫研究所

重刻痊驥通玄論序

天无私覆，地无私载，曰仁而已，聖人仁覆天下，即天地之无私覆载也。洪惟我太宗文皇帝，永乐四年，開設陝西苑馬寺，統監統苑任，專蕃牧，正欲閑廐蕃息，以資边用，以省民財，仁覆天下，与天地相为悠久矣。承平之余，日漸頹廢，我孝宗敬皇帝，因边方多事，銳意修復，博采廷議，簡命今总制三边邃菴楊先生，为副都御史，以理其事，付以便宜之权。先生大展所蘊，于凡馬政一切事务毫分縷晰，巨細不遺，閱三歲，廢兴黜补，赫然改观，三边賴焉。先生以近时多疫厲，医療无方，前歲命靈延請醫師龔錦，以專訓迪。博选各苑俊秀堪訓子弟，会集于平涼，建舍數間，以教以学，取安驥旧集，親加訂閱，命工鋟梓，以徧給之，命靈时加督責。勤惰多所成就間，又出痊驥通玄論示靈。其書內有三十九論、四十六說，方術畢备，馬之病源治訣，明白簡易，虽中医按而用之，如青錢之选，穿楊之射，百發百中。仍命鋟梓，以广其傳云。夫医仁術也，先生济物之仁，融盖充溢，已滿其量，推而行之，澤及三边，此犹有限也；雄功偉績，霖雨蒼生，天下之民，若物咸被其澤，奚啻馬政而已哉。靈故乐为之序。大明正德元年四月朔旦，陝西苑馬寺卿、前陝西布政司、左參政太原車靈序。

通玄論后序*

余為諸生時，常至大市肆中購藥，見其賤品，狼籍于地者，輒扫置屋角中，不復顧，頃之有村醫來，以粟易之而去。余曰：「彼用此弃藥者何哉？」主人曰：「未而售之，調以葱酒，以嚙牛馬，療百病。」余曰：「此出何書？」主人曰：「耳口相傳安有書也？」余曰：「效乎？」主人曰：「彼苟且升合子粟為糊口計，爾惡問其效与不效也。」嗚乎，馬牛醫之陋一至此哉！余初至苑馬，首問安驥集一書，則已有刻。又有極稱通玄論之善，而惜其板之坏者，且促余重刻之。即召工問其板，亦以坏爛對，固使君檢之，乃出之塵室弃板中，稽其數尚存者十之九，及洗刷而摹視之可辨者，亦尚十之七八，遂力求善本，得之于滄洲子之家，于是完好者因之，亡失者补之，殘缺者易之，漶漫者搜剔之，盖所費无儿，而通玄論復為全書矣。使畜馬者，能与安驥集而并究心焉，豈惟足救之于既病，亦足以保之于未然，豈惟得療馬之方，亦足以諳相馬之法，將不为閨人之一助乎邇。余考牧試叩一二馬醫，亦有尙知用安驥集者，若通玄論則懵然无聞矣，豈不可為太甚乎！二書辭不甚深，而恆人為便，先总制遂菴楊先生实刻之，前序已詳，无庸再贅。余恐苑之医师，未免陰效村医者之为，則其害物妨政也不淺，故特附著以为戒。且以告夫吾屬，俾擇其聰慧子弟，朝夕而訓誨之，則肄習之

久，当必有精者出，虽神聖工巧之妙，可几及也。豈直不害物妨政已哉，是在吾屬加之焉耳！
大明正德元年四月，医师龔錦序。

* 此序据陳氏家藏本刊印。

重修痊驥通玄論跋*

夫西北之政，莫急于馬，痊馬之要，莫切于藥。予历任近年，見彼地人病尙乏醫術，其馬之病夭，束手待斃可知之矣。且塞北風寒，塞戍昏魯，率多調養戾節，便无醫藥以完其眞，以濟其夭死，尙安望其云錦成群乎。因公余取通玄論而閱之。見其理明义精，殊爲簡要，但板較諸寺已經四十余年，其缺失者，或連篇而无存，字蒙昧者，或成段而莫識，承舛听訛浸至廢滅，殊爲此慮，乃广詢于人，因得旧本焉。遂捐梓人，补其缺略，正其差謬，脩其蒙昧，使前人牧愛之意不泯，而圉人得觀其全經，亦借此以广援濟之術矣。故紀諸篇末以識歲月云。嘉靖二十六年孟春中元，陝西苑馬寺寺丞楚西陵台楊時中識。

痊驥通玄三十九論

第一論馬起臥多般，暗藏七結，人難曉會〔一〕。

釋曰：夫論馬起臥者，因飢飽勞役，失其飲餵，乘飢渴而喫水草太過，伤于脾胃，草谷不化，陽明經受病，傳在大腸九積之間，不能運轉左右，聚糞成結，閉塞定腸胃，气脉不通，所以病生。疼痛難忍，致令起臥多般者，是三十六般起臥，各各不等，內有前結、中結、后結、垂結、吊結、背手結、板腸結、靠門結、順手結、小腸結〔二〕，各有形狀，此是五臟六腑受其大病，故云多般也。

歌曰：〔三〕

論馬起臥說根源	不讀經書曉會難	大腸九積丈二長
前中后結病三分	暗藏七結人難曉	說開分明仔細詳
第一靠門分里結	第二背手外腸結	垂結靠梁四不着
吊結取遠近隔間	大肚板腸順手結	小腸多是尿胞翻
如前病形分起臥	各分十样用心看	医工会者消詳此
免致良馬過幽关		

第二論馬入手腸中，隔腸取病結難者。

釋曰：醫獸先須入手難〔四〕，會者須臾通玄妙，起死迴生在眼前〔五〕，愚者不曉其病根源、形狀、深淺，又不知迴避及〔六〕入手緊慢。近世醫家不深究細心書理〔七〕，入手〔八〕谷道中，尽一手不見病糞，無法治療，袖手无言〔九〕，內損腸胃，十死无一生。凡醫獸入手，且論大腸〔一〇〕長一丈二尺，左管盤九積，假如醫人之入手不过二尺，如何得到大腸一丈二尺九積之間？醫家且須細意審尋，論病深淺，治法玄微。先去右〔一一〕手指甲，石上磨滑、齊肉，休教縮抹破損〔一二〕腸胃，并橫弦立肚，多用溫暖油水，用管嚥入谷道中，送上三〔一三〕升，并用油水于臂膊上下，潤湿前后通滑〔一四〕，休交手澀，慢慢〔一五〕向前，莫〔一六〕損腸胃，慢慢向前入手，左右前后、九積盤腸內，隔腸搜尋，見病結糞打手，滑硬如毬。好糞軟，結糞硬。如入手盤腸內，尋見病糞，名為里結，隔腸見外腸結糞打手，隔腸如球〔一七〕，名為外結。臨時机变，用手虎口或用四指稍，須要用心細意〔一八〕，慢慢按破病糞头，气脉通宣為妙。莫將鹵莽，切須細意搜尋，休交抹破，內損腸胃，故云入手難〔一九〕也。

歌曰：〔二〇〕

入手須知第一難

回生起死用心看

且論大腸听仔細

一丈二尺九橫蟠

人手不過二尺長

如何得到九蟠間

不通玄妙聖手訣

九曲如何得轉彎

入手搜腸不見糞

无法尋思救療回

會者須與通玄妙

愚者騰騰曉會難

入手先須磨指甲

盛將油水推向前

隔腸左右搜尋糞

滑硬如球是病源

見得病結隔腸打

慢慢將手向后攀

分开病糞破三塊

气脉通和便得安

奉劝医工須細意

莫交綰抹是医官

更有橫弦分兩面

但損之时命过关

灵机妙術都說尽

記取叮咛莫等閑

第三論馬大腸九橫九曲運轉不過者。

釋曰：大腸如江，小腸如河；閉定江河，水草不通，此是腸路之結。大腸長一丈二尺，

前四尺為前結，中四尺為中結，后四尺為后結，此是三段病結糞也。在「二一」大腸九橫中間，医獸入手，依前項法度，隔腸細意搜尋，得見病糞打手，滑硬如毬，用手休忙，細意用右手「二二」虎口按定「二三」，左手隔肚应对无偏「二四」，分开糞头，休交損傷腸胃，此是玄微妙術，尋經而論病，无不安康。

歌曰：「二五」

九曲原來說大腸	通流气脉恰如江	江河閉定难通路
五臟之中有損傷	皆为困來渴飲水	更兼餵草得其殃
致令腹痛頻起臥	聚糞成結在中央	医工辨認明治療
莫交良馬浪无常	入手搜腸分糞結	开通气脉自安康

第四論馬小腸八積轉八蟠者。

釋曰：小腸連心，心屬火，是水臟傳流，因困而嚙水太「二六」多，兼冷熱不和，傳于小腸中，水盛而成逆气，相交澀滯，不能流行，而成結也。乃太陽經主「二七」其病。小腸屬火，大腸屬金，臟腑不和，气脉不相順，致令成痛而起臥，不收四足，小腹中疼痛，更兼肉顫，腎气傳在胞中，急气痛而入于四肢不能收，此乃小腸「二八」受病也。

歌曰：「二九」

小腸八積說与腎	二丈四尺古來傳	心連小腸为受盛
八升二合水无偏	此病多因渴失飲	致令二腑气相牽
蹲腰踏地胞中痛	起臥頻頻不小便	用藥先須气滑散
穿腸入手按通玄	手見胞腸微微按	便是 <u>師皇伯約</u> 傳

第五論馬大腸五積受結在膈后不通者。

釋曰：在膈后病者，前結也。喘粗，咬臆，兩腳夾頭，起臥極緊，此是病狀。依前用手入谷道中，慢慢向前，左右前后，隔腸搜尋。大肚兩邊，得見病糞如毯滑硬〔三〇〕，或在板腸之間，積聚病糞不轉，此名外結。臨時机变，慢慢用手攀病糞向后来，或用手虎口，或用手四指稍，用外面左手及里面〔三一〕腸内〔三二〕右手，里外兩手相应，兩手〔三三〕夾定病糞按破，細意用心，体交损伤〔三四〕腸胃为妙。气脉通和，即时見效也。

歌曰：〔三五〕

五積受病說須知

前面吊結是根基

頻頻起臥胸跑臆

滾驢難牽喘息沉

腸中悶乱并腹脹

医工入手用心神

大肚兩邊尋結糞

滑硬如球是病形

攀向后来微分破

莫損橫弦是明医

通宣气脉当时效

管取揚名天下知

第六論馬大腸四積受气，通連傳轉受病。

釋曰：此是前五積受結，在膈后，气傳在大腸后四積之間，腸胃不通，气脉閉塞，不能通和，發起肚脹〔三六〕。用前項手法入谷道中，打滿臂膊，左右前后，隔腸搜尋盤腸

九積之間，得見病糞打手，依前手法分开病糞，即時气脉通宣，消其脹滿。此是玄微妙術，便住起臥，當時見效。此乃四積受气相連得痊也。

歌曰：〔三七〕

四積受气不通和

且須入手搜腸竅

細心神机用手摸

入手打結休交損

气脉通和病自瘳

辨別病源无失悞

恰如鎖鑰暗相投

开通气脉自然安

第七論馬小腸五蟠受水、小腸痛病不通。

釋曰：心为臟，小腸为受盛之腑，受草谷二斗，受水八升三〔三八〕合，傳于膀胱为道路。若脾胃調和，水草消磨〔三九〕，此則无病。或冷熱相击，飲餵失時，即將滯而成病，傳于膀胱，名曰小腸結，又曰胞轉。太陽主〔四〇〕其病。此病形狀：蹲〔四一〕腰、攢蹄、揭尾，此是胞轉之病也。医獸多用油水，入手向前，便見胞轉，脹如椀大。用手向下慢慢用〔四二〕力撥按，小便通下，牽行三五遭，即時見效，后用「气滑散」嚥之。

歌曰：〔四三〕

五蟠受水小腸結

困來失渴腸中熱

或因飲水冷伤心

橫骨无声难分說

气痛發來踏地跑

腰曲头攢尾頻揭

急將气滑酒相合

通利小便为妙訣

更兼入手按胞中

当时治好尿胞結

第八論馬小腸三蟠受精、受涎、精涎滯。

釋曰：五臟通和，則血氣化為精；三焦壅熱，則精液化為涎。精藏于腎，腎為臟，膀胱為津液之腑，涎停于膈，熱壅于心，心腎水火相击，故成病。腎精乱行于膀胱，心液傳注于小腸，精涎凝滯于胞內，塞其竅，水道不通，故胞轉而成病，負痛起臥。依前手法，多用溫暖油入谷道中，向前便見胞脹如椀大，用手向下慢慢用力撥按，小便通下，即時見效。此乃三蟠受精并受涎得痊也。

歌曰：〔四四〕

三蟠受病說根由	冷熱相击腎連心	精涎結澀膀胱道
致令胞轉病難任	油水潤腸于谷道	慢慢入手細搜尋
見胞脹時微微按	小便通下是名人	医家記取通玄論
自然術高天下知		

第九論馬腸胃边有橫弦立肚，入手迴避。

釋曰：橫弦者，乃是大腸、小腸、盤腸脂弦，謂之橫弦也。立肚者，乃是大肚肚